



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Sarajevo, 21.03.2020.godine

Predmet: Saopštenje za javnost

Odluke o privremenim mjerama banaka i nedepozitnih finansijskih institucija za ublažavanje negativnih ekonomskih posljedica uzrokovanih virusnim oboljenjem COVID-19

Agencija za bankarstvo Federacije BiH (u daljem tekstu: Agencija) u cilju očuvanja sigurnosti subjekata bankarskog sistema, te zbog povećanja razine spremnosti subjekata bankarskog sistema na postupanja u vanrednim okolnostima izazvanim pojavom virusnog oboljenja "COVID-19", je na elektronskoj sjednici Upravnog odbora održanoj u petak, 20.03.2020.godine, usvojila odluke o privremenim mjerama za tretman kreditnih obaveza fizičkih i pravnih lica u bankama i nedepozitnim finansijskim institucijama (MKO i lizing društva).

Odlukama, banke i nedepozitne finansijske institucije mogu odobriti klijentima posebne mjere, kao što su: moratorij, odnosno zastoj u otplati kredita, koji može trajati najmanje do objave prekida vanredne situacije uzrokovane pojavom virusa COVID-19, uvođenje grejs perioda za otplatu glavnice kreditnih obaveza na period od najduže 6 mjeseci, odobravanje dodatnog iznosa izloženosti za potrebe prevazilaženja njegovih trenutnih poteškoća sa likvidnošću, te druge mjere sa ciljem olakšavanja izmirivanja kreditnih obaveza klijenta i održavanja poslovanja klijenta. Kod mjera koje se odnose na klijente pravna lica, očekuje se donošenje odluka banaka i nedepozitnih finansijskih institucija na osnovu dostupnih informacija i komunikacije između banke i klijenta. Kada su u pitanju fizička lica, banka i nedepozitne finansijske institucije će postupati na osnovu vlastite procjene, dokumentacije i informacija o ugroženosti pojedinačnih klijenata i grupa klijenata koje imaju zajednička obilježja (npr. zaposlenici u jednom pravnom licu).

U cilju očuvanja i jačanja stabilnosti finansijskog sistema Agencija kontinuirano prati situaciju u finansijskom sektoru, te će vršiti nadzor nad primjenom donesenih odluka i pažljivo analizirati efekte usvojenih propisa.

Ove odluke stupaju na snagu narednog dana od dana objavljivanja u "Službenim novinama Federacije BiH".

AGENCIJA ZA BANKARSTVO FEDERACIJE BIH